

Dictadura di Burocracia

Pa: Roland W. Peterson



Pa: Roland W. Peterson

E ta December 15, 2011, y ami ta bay paga pa mi plachinan di number di auto. Ontvanger ta recomenda esaki, pasobra e ora ey bo no ta perde hopi tempo otro aña den rij largo. E articulo aki ta pasobra mi kier comparti mi experiencia (aventura) cu bo. Mi no ta culpa ningun hende, mi ta laga otronan husga pa nan mes.

Cos ta bon pa clientenan di Ontvanger na San Nicolas. Ora mi a yega no tabatin ningun hende dilanti di e loketnan, dus mi turno tabata inmediatamente (1X).

Mi ta presenta mi documentenan na e juffrouw y mi a puntrele si nan ta accepta company checks. E ta bisa cu si, pero ora mi a cuminsa yena e check anto e ora ey e la bisami cu no por paga cu check. Mi ta conteste cu e ta un company check. E la sigi insisti, cu no por paga cu check. Ma asumi cu ta ami a compronde robes, y pesey mi a bay banco pa busca “cash”.

Ora mi a regresa (2X) e juffrouw ta procesa mi documentonan y ta bisami cu mi mester regresa aki un siman, dus dia December 22, 2011. Pero pa mi ta mas sigur pa no bin pornada, mi no ta regresa Diahuebs December 22, sino Diabierna December 23.

Ora mi ta bin na e loket di ontvanger pa busca e plachinan, e ta di (3X). E señor tras di e loket ta tuma mi documentonan y ta “tira” (schuif) un stapel documentonan beck bao di glas. “Esaki no ta bon” Dicon e no ta bon. “E sguro a caduca caba” Señor bo no a wak bon, e documento cu bo mester ta pagina dos. Renuent e ta tuma e staple beck, sperando cu e por tira nan beck pa di dos biaha. Pero e la keda cu lip, pasobra e document tabata bon. Cu desgana e la coy mi stapel y cu masha uh, uh, uh, e ta bay patras pa busca mi plachinan. Despues di un rato cortico e la bolbe. “Plachinan no a yega, bin beck otro siman Diahuebs.”

Dus Diahuebs, December 29, mi ta para dilanti loket atrobe, e ta di (4X). E ta 08:30 AM y ningun loket ta habri. Mi ta bay y ta bin beck 9.00 AM, awor e ta di (5X). Ainda ningun loket ta habri.

Banda di 9:30 AM porfin un juffrouw ta yega cu un caha yen di plachi di number di auto. Ora mi a reclama e juffrouw, e la contestami: “Ta parse cu tur hende kier nan plachinan awe. Nan ta laat, pasobra nan mester a bay busca tur e plachinan prome cu nan bin San Nicolas.